

MAGAALO





Ururka Dawladaha Hoose ee Soomaalilaand

Magaalo Magazine waa warsidde u adeega dawladdaha hoose ee soomaalilaand oo ay soo saarto ururka dawladdaha ee soomaalilaan (ALGASL)



Issue 14



Issue 15

ALGASL

Email : ALGASL.INFO@GMAIL.COM
 Mob : +252 63 7540200
 Website : www.algasl.org
 Address : Shacab area, Next to Academy for Peace and Development

TUSMADA

- | | | | |
|-----------|--|-----------|---|
| 4 | Ururka dawladdaha hoose ee Soomaalilaand (ALGASL) | 16 | Dhiirigalinta cashuur bixiyayaasha iyo dawladda hoose ee berbera |
| 6 | Doorka abaaraha ee dawladdaha hoose | 18 | Soo noolaynta aasarta qadiimiga ah ee degmada saylac |
| 9 | Shirweynaha Ururka Dawladdaha Hoose Ee Soomaalilaand (ALGASL) | 20 | Dayactirka iyo casriyeynta wadooyinka caasimadda |
| 11 | Adeegyada asaasiga ah ee ay dawladdaha hoose u qabtaan bulshada | 22 | ururka dawladdaha hoose ee soomaalilaan oo ugu deeqay suuqa waaheen 1.5 million |
| 12 | Adeegyada asaasiga ah ee ay dawladdaha hoose u qabtaan bulshada | 24 | Sallaxley oo loo caleemo saaray Degmada Bisha |
| 13 | Latacaalida abaaraha ee degmada taleex | 27 | ku dir Qaadhaanka Suuqa Waaheen |
| 14 | Maalgalinta danyarta iyo dib u xoolaynta ee dawladda hoose gabiley | | |

URURKA DAWLADDAHA HOOSE EE SOOMAALILAN (ALGASL)

Ururka Dawladaha Hoose Ee Somaliland Ee Algasl Waa Urur Aan Ahayn Dawli Isla markaana Aan Ahayn Faa'iido Doon. Ururka Dawladaha Hoose Waxa La Asaasay Bishii Febuary Ee 2006 Goobta Lagu Asaasay Waxay Ahayd Hargaysa Oo Ah Gobla Maroodi-jeex, Waxaana Asaasay Dhamaan Mayarada Dawladaha Hoose.

Ujeeda Loo Asaasay Ururka Algasl.

1. In La Siiyo Dhamaan Degmooyinka Dawladaha Hoose Tageero Maamul Iyo Hagaajinta Maamul Wanaaga Ee Ay Leeyihiin Dawladaha Hoose Kuwas Oo Waxtar Iyo Faa'iido Uleh Xarumaha Degmooyinka Dawladaha Hoose Iyo Hawl Maalmeedka Ay Gacanata Ku Hayaan Dhamaan Shaqalo Waynaha Dawldaha Hoose.
2. Ururka Waxa Kale Oo Uu Kor U Qaada Wacyigalinta Arrimaha Dawladaha Hoose.
3. Ururka Dawladaha Hoose Waxa Uu Ku Dadaala Sidii Culayska Loo Saari Lahaa Horumarka Fiican Iyo Bixinta Adeegyada Degmooyinka Dawladaha Hoose Ee Dala ka Jamhuuriyadda Somaliland.
4. Ururka Waxa Kale Oo Uu Ujeedadiisu Tahay Kor U Qaadida Wada Shaqaynta Fiican Ee Ka Dhaxaysa Degmooyinka Iyo Hagaajinta, Isku Soo Dhawaynta Dawlada Dhex Iyo Degmooyinka Dawladaha Hoose Si Hawlaha Shaqo Ee Loo Hayo Dad wayna Somaliland Loo Gaadhsiyo Adeeg Fiican.

Xubnaha Ururka Dawladaha Hoose Waxay Ka Kooban Yihiin Dhamaan Degmooyinka Dawladaha Hoose Oo Ah 23 Degmo, Degmooyinkaasi Waxay Leeyihiin Derajooyinkan A,B,C,D.

Ilaha Dekhliga Ururka Dawladaha Hoos Ee Algasl.


Ururka Waxa Lafdhabar U Aha Dakhliga Ay Siiyaaan Dhamaan Degmooyinka Madama Uu Matalayo Islamarakaan Ku Hadlayo Afka Dawladaha Hoose.

Ururku Waxa Uu Leeyahay Dakhliga Hawl Fulinta Arrimaha Dawladaha Hoose Taas Oo Ay Khidmada Ahaan Ay Iska Jaraaan Dhamaan Demooyinka Dawladaha Hoose. Waxa Kale Oo Jira Deeqaha Ay Bixiyaan Deeq Bixiyaashu Iyo Waxii Kab Ah Ee Ay Kolba Ka Helaan Dawlada Dhexe.

Waxqabdarka Ururka Algasl Ee Sanadkii U Dambeeyay Ee Ururku Ku Talaabsaday.

1. Tayaaynta Hay'addaha Maamul Iyo Awoodaha Sharci Ay Leeyihiin Degmooyinka Dawlada Hoose.
2. Abuurida Xidhiidh Fiican Oo Isku Xidha Dhamaan Degmooyinka Dawladaha Hoose Iyo Dawlada Dhexe.
3. Ururka Dawladaha Hoose Waxa Uu Matlaad Dhab Ah Ka Sameeyaya Dhamaan Degmooyinka Waxaanu Fariintooda Ugudbiya Hay'addaha Ay Wada Shaqaynta Dhaw La Leeyihiin Isagoo Ururku U Muujiyay Doorka Maamul Iyo Waxqabada Ee Ay Dawladaha Hoose Ku Leeyahay Dalka Jamhuuriyadda Somaliland.
4. Ururka dawladaha hoose ee algasl waxuu ku talaabsaday horumar lataaban karo waxayna sameeyeen qorshayaal kor loogu qaaday degmooyinka dawladaha hoose.

Awooda Maamul Ee Ururka Dawladaha Hoose ALGASL



The voice of local government

ABAARAH

DOORKA ABAARAH EE DAWLADDAHA HOOSE

Waa maxay doorka ay dawladdaha hoose ee dalku ku leeyihiin ka jawaabida abaaraha?

Sida ku xusan dastuurka Qaranka Jamhuuriyadda Soomaalilaand Qodobkiisa 18 aad farqadiisa labaad iyo Xeer Lr.23/2019 Qodobkiisa 40 aad farqadiisa (G) doorka dawladdaha hoose waa door sharci waxaan si cad u sheegaaya qodabada sare ku xusan oo nuxurkoodu yahay:

Dawladdaha hoose ama xilka golaha deegaanka waxa kamid ah ka hortaga dhibaata da abaarta ,duufaanaada, dabka halista ah iyo dhibaatooyin kasta oo wax u dhimi kara dadwaynaha.

aafooyinka dhaca sida abaaraha, duufaanaada cudurrada faafa, dhul gariirka iyo dagaalada waxay dawladdu ka yeelanaysaa ku talagal dawladdaha hoosana waxay kamid yihiin dawlada.

Hadaba inagoo tixraacayna qodobadaas sare ku xusan oo inoo cadeeyey in dawladdaha hoose ay door ku leeyihiin ka jawaabida abaaraha waxaynu marka hore warbixin kooban kabixin doonaa xaalada abaareed ee ka jirta guud ahaa wadanka.

Waxa Soomaalilaand maanta ka jira abaar baahsan oo saamaysay dad iyo duunyaba waxaanay wadanka oo dhan usaamaysay si siman ha ugu sii darnaadaan gobolada bari ga sida ay baahiyee guddiga abaaraha Qaranka Jamhuuriyadda Soomaalilaand Tariikhdu marka ay ahayd 06/02/2022 oo madaxwayne ku xugeenka J.S.L uu magacaabay degreeto madaxwayne, sumadeedu ah tahay Ref/Jsl/Vp/Gqa/05-01/2016/2022. kuna tariikhaysan 06/2/2022. guddigaas oo ka kooban gancsato iyo culumada dalka iyo xub-

no wasiiri ah ee Jamhuuriyadda Soomaalilaand.

Waxa jirta xog ururin la sameeyey oo la xaqiijiyey tirade dadka ay saamaysay hadda iyo inta la rajaynaayo in ay saamayn doonto tirade la xaqiijiyeyna waxay tahay inay si toosa usaamaysay 810,000 oo qof (sided boqol iyo toban kun) waxaana laga cabsi qabaa in ay saamayn ku yeelato 1,200,420 qof (malyan laba boqol iyo 420) Waxa jirta biyo la'aan baahsan oo aad uga jirta gobolada bariga Sool, Sanaag iyo Togdheer, waxaanay foostadii biyaha ahayd ay gaadhay qiimo dhan 50000 (kontan kun oo shilin) waana afar jibaar qiimihii hore ee aytaagneyd, biyuhuna waa waxa ugu muhiimsan nolasha oo hadii aanay biyo jirin ma jirto cid noolaanaysa hadii ay dad, doonyo iyo baadba tahay, arrintana waxay saamayn toosa ku yeelatay guud ahaan dhaqaalihii waddanka.

Side ayaa looga jawaabay haddaba abaarta dhacday ?

Guddiga gurmada abaaraha heer qaran waxay sameeyeen baaqyo ah in loo gurmado dadka abaarto samaysay oo ala gaadho biyo dhaamis, sidoo kale gudigu waxay sameeyeen xog ururin si looga jawaabo si cilmaysan oo la is waafajiyo baahiya iyo khayraadka kooban ee la hayo.

Sidoo kale waxa la qiimeeyey kharakh loo baahan yahay inta uu leegyahay oo lagu qiyaasay \$41,000,000 iyada oo lakala qaday afar qaybood oo kala biyo , cunto, caafimaad iyo taageerida xoolaha ah ta koowaad meelaha biyo dhaamis looga baahan yahay oo lagu qiyaasay lacag xadigeedu dhan yahay \$7,000,000(todoba milyan oo doolar) talabaad waxa la qiyaasay xadiga lacagta lagaga jawaabi karo baahida cunto ee jirta oo lagu qiyaasay \$2,3000,000(seddex iyo labaatab milyan) ta seddexaad waxa la qiimeeyey baahida xoolaha lagu taageeri karo oo lagu qiyaasay \$10,000,000(toban milyan), waxa sidoo kale iyadana la qiimeeyey in adeeg caafimaad la gaadhsiin karo dadka ay abaaruha saameeyaan xaga caafimaadka oo lagu qiyaasay \$1,000,000(hal mliyan oo doolar).

Runtii waxa jira adeeg hufan oo la taaban karo oo ay bixisay dawladu hadii ay tahay heer degmo oo ay hogaaminayaan dawladdaha hoose ee dalku iyo hadii ay tahay dawlada dhexeba ,sidoo kale waxa iyana ka jawaabay ganacsata,hayaadaha caalamiga ah iyo bulshada rayidka ahba .

Dawladdaha hoose ee dalku waxay ku

amaananyihiin in ay sameeyeen wacyigalin iyo baaqyo ay gaadhsiyeen cidkasta oo ay khusayso baahida daran ee ka jirta wadanka iyo in loo baahan yahayn in laga jawaaboba.

Dawladdaha hoose ee dalku waxay sameeyeen sidoo kale biyo dhaamin ay gaadhsiyeen dadka ay biyo la'aantu ku dhacday inta karaankooda ah iyaga oo ugu kala badnaa sida ay abaartu ugu jirtay deegaanada ay matalaan iyo xadiga itaalka ay jawaab bixin karaanba .

Tallo soo jeedin ku socota Dawladdaha Hoose ee dalka

1. Ugu horayn waxaa loo soojeedinayaa Dawladdaha Hoose ee dalka in ay aasaasan waaxdka kajawaabida masiimooyinka iyo ka soo kabashada oo heer degmo ah .
2. In ay Miisaniyada iyo qorshaha ku darsadaan xadi lacag ah oo ay kaga jawaabaan waxyaabaha lama filaanka ah dhici kara.
3. In ay shaqaalahooda u carbiyaan sidii ay utaageerilahaayeen dadka ay dhibtu soo gaadho.





GOLAHA SARE EE URURKA ALGASL

SHIRWEYNAHA URURKA ALGASL



GUDOOMIYAHA URURKA ALGASL



GUDOOMIYE KU-XIGEENKA URURKA ALGASL



XOG-HAYAHA URURKA ALGASL



AGAASIMAHU URURKA ALGASL

SHIRWEYNAHA URURKA DAWLADDAHA HOOSE EE SOOMAALILAN (ALGASL)

Maalintay taariikhdu ahayd 28.12.2021, waxaa ka qobsoomay magaalada Berbera Shirweynihii Afraad ee ururka dawladaha hoose ALGASL, shirkaasoo ay ka soo qayb galeen 19 degmo, Wasaaradaha Arrimaha Gudaha, Xafiiska Maamul Daadajinta (Champion Office) iyo daneeyaasha ALGASL oo ay ugu mudnaayeen Haayada VNG International iyo NAGAAD iyo dhamaan shaqaalaha ururka ALGASL.

Shirkaas oo nuxurkiisu ahaa in lagu doorto hogaanka ururka iyo in lagu ansixiyo qorshayaasha sannadka 2022 ee uu ku shaqayn doono ururku, sido kale in laga warbixiyo halka uu maanta taganyahay ururka dawladaha hoose ee ALGASL iyo Sharciga Ururka loo soo bandhigay Xubnaha Ururka.

Waxaa sii cadalaalad ah doorashada lagu doortay hogaanka ururka oo laba qaybood isugu jira, gudida fulinta oo seddex qof ah, Gudoomiyaha ururka waxa loo doortay Maayirka Caasimada Hargeysa Mudane Cabdikariim Axmed Mooge, Halka

gudoomiye ku xigeenka loo doortay Maayirka Boorama Maxamed Axmed Warsame, sido kale-na loo doortay Xoghayaha Ururka Maayirka Degmada Taleex Abdurahman Cismaan Aw Aadan. iyo siddex xubnood oo ah Gudida maamulka sare, Guud ahaan 11 xubnood ayaa lagu doortay shirweynaha ururka.

11 xubnood oo kala ahaa;

1. Hargeysa (Gudoomiye)
2. Boorama(Gudoomiye ku-xigeen)
3. Taleex (Xog-hayaha)
4. Buuhoodle_xubin
5. Ceerigaabo_Xubin
6. Sheekh_xubin
7. Salaxlay_xubin
8. Saylac_xubin
9. Gabilay_xubin
10. Caynaba_xubin
11. Ceel-afwayn_xubin



ADEEGYADA DAWLADDAHA HOOSE

ADEEGYADA ASAASIGA AH EE AY DAWLADDAHA HOOSE U QABTAAN BULSHADA


Iyada oo laga duulayo qodobada 110aad, 111aad (4) iyo 112aad ee dastuurka JSL, Golayaasha Degmaannada Dawladaha Hoose waxay ka masuul noqonayaan hanashada adeegyada horumarineed ee dhammaan qaybaha dhulka ay degmooyinkaasi ka kooban yihiin. adeegyadaa horumarineed ee dawladdaha hoose ay ka mas'uul yihiin waxa ka mid ah;

1. Xarumaha daryeelka caafimaadka hooyada iyo dhallaanka ee degmooyinka,
2. Dugsiyada wax-barshada ee ilaa heer dugsi hoose/dhexe ee degmooyinka
3. Xannaanada xoolaha ee heer degmo
4. Horumarinta beeraha iyo adeega fidinta beeraha ee heer degmo
5. Horumarinta ganacsiga ee heer degmo
6. Horummarinta dhalinyarada iyo ciyaaraha ee heer degmo.
7. Ilaalinta deegaanka heer degmo
8. Nabadgelyada gudaha ee kusiman awooda heer degmo

9. Wadooyinka gudaha magaalooyinka heer degmo.
10. Horumarinta biyaha iyo adeega Fidinta heer dagmo.
11. Horumarinta isgaadhsiinta iyo adeega fidinta heer dagmo.

Adeegyada ku xusan farqada 2aad ee qodobkan, golayaasha dawladdaha hoose waxay awood u leeyihiin maamulka, dhismaha, dayactirka iyo daryeelka adeegyadaasi.

ALGASL



BURCO

DADAALKA DAWLADDA HOOSE EE BURCO IYO KOR U QAADDIDA BILICDA MAGAALADA BURCO



Dawlada hoose degmada burco ayaa ka fulisay olole nadaafadeed afarta degmo ee ay la koobantahay magaalada burco oo kala ah degmada maxamed cali, degmada faarax oo.aar, degmada sh.

Bashiir iyo degmada lixle ololahan oo uu horkacaayey maayirka degmada burco mudane cabdirisaaq ibraahim cabdi waxaa ku

wehelinaayey agaasimaha arimaha bulshada xamse maxamed cali.

Ujeedada ololaha ayaa ah ladagaalanla qashinka qashinka iyo kor u qaaididka fayodhawrka iyo bilicda magaalada burco.

Ololahan oo ah mid joogto ah ayaa wiigiiba laqaado maalmaha khamiista.



TALEEX

LATACAALIDA ABAARAHA EE DEGMADA TALEEX

Maamulka dawladda hoose ee degmada Taleex oo uu hogaamiyo mayorka degmada Taleex ahna xoghayaha Guud ee ururka dawladda hoose ee Somaliland ALGASL Cabdiraxmaan Cismaan Aw Aadan, ayna ku weheliyeen xoghayaha degmada Mukhtaar cumar Cali iyo qaar ka mid ah xildhibaannada golaha deegaanka degmada

Taleex ayaa wajigii 1aad ugu deeqay shacabka Gobolka Xaysimo 60 booyadood oo biyo ah; kuwaas oo la gaadhsiinayo dhulka baadiyaha. Iyaga oo balan qaaday inta abaarto jirto in ay wadi doonan taageerada ay bulshadooda la garabtaaganyihiin.



MAALGALINTA DANYARTA IYO DIB U XOOLAYNTA EE DAWLADDA HOOSE GABILEY

Waa mushruuc loogu talo galey in loogu abuurto ilo dakhli qoysaska danyarta ah. Mashruucani waxa uu bilaabmay 250 qoys oo ku dhaqan Degmada Gabiley.

Mashruucani waxa uu xooga saarayaa kor u qaadida ganacsatada yar-yar. Wajigiisii koobaad sanadkii 2020ka, waxan ka faa'iidaystay 100 qoys oo danyar ah, halka wajigiisa labaad u ahaa sanadkan 2021ka waxaana mashruucani ka faa'iidaystay 150 qoys oo kale, guud ahaan tirade qoysasku waa 250 qoys.

Waxa la iclaamiyaa 4 cisho ka hor si qofkii ka faaiidaystay isaga soo diwaan galiyo isaga oo tagaya Xafiiska ku yaal xaafada uu daganyahay una soo buuxiyo wixii shuruudo ah ee looga baahanyahay. Waxa loogu tala galey in qofkiiba lagu maal galiyo qadar lacag ah \$500 soona celini doono Boqolkiiba 50% muddo sannad ah si uu mashruucani u sii socdo iyo in la maalgaliyuhu haysto ga-

nacsi yar ama fikir ganacsi oo lagu maalgaliyo.

Waa sidii kor loo qaadi lahaa dhaqaalaha qoysaska danyarta ah ee hore u sii lahaa ganacsi yar-yar iyo kuwa bilow ah si loogu sameeyo fursado shaqo abuur, loona yareeyo saboolnimada, korna loogu qaado awooda dhaqaale ee qoysaskaasi iyo Degmoba si uu u keeno dakhli korodh.

Mashruucani waxa uu fursad nololeed siiyay 250 qoys oo maanta meel fiican kaga jira bushada waxaanu dhiirigaliyeen inuu mashruucu noqdo mid sii socdo, waxayna dhamaanba soo celiyeen intii laga doonayay oo ah 50% inta la daymiyay, waxay horseed u tahay iyo bilaw cusub kor u qaadida iyo dhiiri galinta bulshada. Guud ahaanba waxa is badal ku keeneen dhaligii dawlada hoose kaas oo kor u qaadida qaysaska ka faa'day ay isbadal muuqda ku sameeyeen cashuurta ka soo xaroota ganacasiga yaryar.



BERBERA

DHIIRIGALINTA CASHUUR BIXIYAYAASHA IYO DAWLADDA HOOSE EE BERBERA



Maamulka dawladda hoose ee degmada Berbera ayaa isugu yeedhay qaar kamid ah ganacsatada magaalada Berbera oo ay u aqoonsadeen in ay yihiin ganacsatadii ugu wanaagsanaa ee cashuurta ku waajibtay ku bixiyay sidii qorshuhu ahaa iyo wakhtigii loogu talo galay. Xafladda abaalmarinta cashuur bixiyayaashii ugu wanaagsanaa ee magaalada Berbera ayaa ka qabsoontay xarunta laybareeriga Berbera, 13-kii February, 2022.

Masuuliyiinta ugu sareeya ee heer gobol iyo degmo ayaa xafaladda abaalmarinta ka hadlay oo ku amaanay ganacsatada si joogta ah u bixiya cashuurihii ku waajibay, waxayna ku dhiirigaliyeen in lagu daydo oo cashuurta sideeda loo bixiyo si dawladda hoosena u gaadhsiiso adeeg hufan oo tayo leh.

Ugu danbayntii, maayarka magaalada Berbera mudane Cabdishukuur Maxamuud Ciddin iyo Badhasaabka gobolka Saaxil mu-

dane Axmed Maxamad Xaashi ayaa gudoonsiiyey abaalmarino iyo shahaado Sharaf dhamaan intii ganacsato ahayd ee ugu wanaagsanayd sanadkii tagay bixinta cashuurta ku waajibtay.



SAYLAC

SOO NOOLAYNTA AASARTA QADIIMIGA AH EE DEGMADA SAYLAC

Dawladda hoose ee degmada Saylac waxa ay sannadkan 2022 qorshaysay in ay dayactir ku samayso goobaha aasaarta qadiimiga ah ee u baahan in waxlaga qabto, kuna yaa-la magaalo taariikheedka Saylac. Madxafka magaalada Saylac waxa uu ka mid yahay goobaha taariikheed ee la qorsheeyey in sannadkan la dayactiro.

Wakhtiyadii hore madxafka Saylac waxa uu ahaa goobta la dhigo heshiisyada ay galaan bulshooyinkii kala duwanaa ee Hindida, Turkida, Masaarida, Yuhuudda, Soomalida iyo Canfarta ee ku noolaa magaalada. Si-

doo kale, waxyaabaha taariikhiga ah ayaa ka mid ahaa waxyaabaha la dhigi jiray. Waxa la dhisay madxafkani xilliyadii ama casrigii Cusmaaniyaantu degenaayeen magaalo xeebeedka Saylac.

Dawladda hoose ee Saylac iyada oo ilaalinaysa taariikhda guunka ah iyo goobaha qiimaha sare ugu fadhiga magaalada waxa ay dayactir ku samaysay madxafka iyaga oo aan dhallan-badal ku samaynayn qaabkii iyo quruxdii uu lahaa balse tayactir ilaalineed ku samaynaya intii uu isku faadhiisan-lahaa amma uu dumi lahaa.



KA HOR

KA DIB



DAYACTIRKA IYO CASRIYEYNTA WADOOYINKA CAASIMADDA

Dawladda hoose ee caasimada Hargeysa waxay masuul ka tahay bilicda, nadaafada iyo amniga magaalo madaxda Jamhuuriyadda Soomaalilaan oo ah muyaarada dalka. Iyadoo sadexdaa tiir laga duulayo bilihii u danbeeyay dawladda hoose ee caasimadu waxay ku hawlaneed olole iskugu jira dayactirka iyo casriyeynta wadooyin caasimada, iyagoo wadooyin kale oo mudo xidhnaa iya-gana la baneeyay. Dawladda hoose ee caasimada Hargeysa

waxay tiro dhan 5 wado oo hal bawle ah ku wadaa dayactir iyo casriyeyn heer caalami ah, iyadoo qarashaadka ku baxaya mashaa-riicda horumarineed laga maalgaliyay cashuurta laga qaado muwaadinka dagan caasimada Hargeysa.

Wajibka saaran muwadinka ayaa ah in uu ilaaliyo hantida guud ee la wada leeyahay oo ay ku jiraan wadooyinku.



URURKA DAWLADDAHA HOOSE EE SOOMAALILAN OO UGU DEEQAY SUUQA WAAHEEN 1.5 MILLION DOOLAR

Waxaa dhacday Masiibo qaran tariikhdu markay ahayd 1/4/2022 masiibadaas oo ahayd Dabkii qabsaday suuqa Waaheen ee ku yaalay caasimada JSL ee HARGAYS.

Masiibadaas oo ahayd masiisbo baabiisay hanti lagu qiyaasay inay gaadhay say (Hal bilyan ilaa hal bilyan iyo badh oo doolar) hantidaas oo isugu jirtay guurto iyo maguurto dhamaantoodna halkaa ku shuf beeshay markii uu madax waynuhu JSLand ku dhawaaqay masiibdaa qaran ee dalkeena ka dhacday ayaa waxaa la isu xilsaaray in laga wada qayb qaato sidii loo caawinlaa umadaa ku waxyeelawday masiibadaas heer shakhsi ilaa heer qaran.

Hadaba Ururka Dawladaha Hoose isaga oo ka jawaabaaya Masiibadaa dhacday waxa uu ka qayb qaatay gurmada loofidinaayey dadkii ku waxyeeloobay waxaanu bixiyey lacag xadigeedu yahay Hal milyan iyo shan boqol oo kun oo doolarka maraykan ka ah (\$1,500,000), taas oo uu Ururka ugu tala galnay inuu kaga qayb qaato caawinta dhibaataada ku dhacday muwaadiniintii ku caydhoobay, waxaaney ahayd lacagtii ugu badneyd ee ka timaada dalka gudihiisa oo muddo kooban lagu bixiyey ,waxaaney gacan kagaystay in si dhakhso ah taageero loogu fidiyo dadkii dhibtu soo gaadhay. Waxa Xusid mudan in ay hawshan kawada

qaybqaateen dhamaan Dawladaha hoose ee Xubnaha ka ah Ururka ALGASL ,waxaanay muujineysaa arrintani sida ay iskugu tiirsan yihiin oo ay u leeyihiin hal ujeedo oo ah caawinta iyo u adeegida muwaadiniinta JSL, waxaaney muujineysaa sidoo kale muhiimada uu leeyahay Ururka Dawladaha Hoose .



SALLAXLEY

SALLAXLEY OO LOO CALEEMO SAARAY DEGMADA BISHA

Sallaxley waa degmo taariikh ah fac weyn leh, waxaana loo aqoonsaday degmonimada 1997. Waa degmo darajada “C” ah, waxaana soo maray 7 guddoomiye laga soo bilaabo doorashadii goleyaasha deegaanka ee koowaad 2002 kadib markii ay Jamhuuriyadda Somaliland qaadatay nidaamka axsaabta badan iyo doorashooyinka tooska ah ama 11 guddoomiye illaa 1997kii markii uu magacabay degmada Madaxweynihii hore ee JSL Marxuum Maxamed Xaaji Ibraahim Cigaal (AHN), waxaa iyaguna jiray guddoomiyayaal iyo guddiyo ka horreeyay oo soo maamulayay Sallaxley illaa lixdamaadkii iyo ka hor.

Sallaxley waxay ka mid tahay degmooyinka ugu deegaanka ballaadhan Gobolka, waxaanay ka kooban tahay 27 deegaan. Degmadu waxay xuduud dheer oo ku dhaw 80km la wadaagtaa degmada Daroor ee Gobolka Jarar ee dalka jaarka ah ee Ethiopia, waxaana ka mid ah deegaannadeeda ku taagan xadka Kaamtuug, Inaguuxa Laanqayrta Qol-Dhuxulaale, Laanqayrta Celiyo, Qoolbuullale, Libaax Qawdhama iyo Higlada kuwaasoo dhammantood ah tuulooyin iyo deegaanno aad loo deggan yahay.

Degmadu waxay leedahay soohdimahaha kala ah: Caasimadda JSL ee Hargeysa ahna Xarunta Gobolka Maroodijeex dhinaca woqooyi, degmada Ballimataan dhinaca woqooyi bari, degmada Sabawanaag dhinaca bari, degmada Balligubadle ee Xarunta Gobolka Hawd dhinaca galbeed iyo xadka ay wadaagaan Dalalka Somaliland iyo Ethiopia dhinaca koonfureed, koonfur galbeed iyo koonfur bariba.

Dawladda hoose ee degmada sallaxley waxay wadaa Wado casri ah oo isku xidhi doonta Hargeysa iyo Sallaxley, Wadadan ayaa gudahha Sallaxley laga bilaabay taasoo kamid ah wajiga 3-aad ee dhismaha wadada cad ee isku xidha Hargeysa Sallaxley ilaa Ina guuxaa. Wadadan ayaa gudaha Sallaxley laga dhigay laba haad oo min 6meter ah.

Dawladda hoose ee dagmada Sallaxley ayaa door weyn oo muhiin ah ka qaadatay dhismaha wadadan iyadoo ay ka shaqaynayaan Gaadiidka Dawlada Hoose sida Iska rogoyinkii, Gacafyadii, Ruglaydii, iyo Booyadahii dawladda hoose ee dagmada Sallaxley.

Waxa kale oo Maamulka dawladda hoose ee dagmada ay wajiga 1-aad ee 12 killo meter ee wadadan ay ku bixiyeen lacag dhan \$110 kun oo dollar.

Golaha deegaanka dagmada Sallaxley ayaa waxa ka go'an inay maal iyo maskaxba galiyaan sidoo loo dhamaytiri lahaa dhismaha Wadada cad.

ALGASL



KOOXDA TAFATIRKA

Cabdi Cali
Fihiima Maxamed
Cabdilaahi Maxamed
Amani Yuusuf
Siciid Nuux
Yuusuf Maxamed
Faarax Cabdi

Naqshadeynta: Cabdilaahi Maxamed

© ALGASL

KU DIR QAADHAANKA SUUQA WAAHEEN

Premier bank

ACC No: 100700082001

Dahabshiil

ACC No: HRGD94390

Amal Bank

ACC No. 1014441331

Salaam Somali Bank

ACC No: 61111044

**1
SL bank**

**US Dollar ACC No: 1830
SLSH ACC No: 1831**

**2
SL bank**

**US Dollar ACC No: 1832
SLSH ACC No: 1833**

ZAAD

No: 0637661111

EDAHAB

No: 0657704919

MAGAALO

MAGAZINE



**Association of Local
Government Authorities of
Somaliland**

www.algasl.org